

續修平利縣志

一
函
四
冊

續脩平利縣志

光緒丁酉年

孟夏上澣刻

重修平利縣志序

東莞劉彥和云諸侯建邦各有國史自秦漢列天下
為郡縣後世因之時事沿革分行紀載彰微闡幽以
備史官採輯用以昭示來葉隱寓勸懲則志之為用
不猶夫史之事哉孟堅漢書本之史記為歷代志乘
之祖文簡而例嚴庶幾乎仲尼所謂婉而顯微而彰
者矣遷固以降述作紛紛求其辨而不華質而不野
以文章詞說抗厲當世者蓋亦闕焉難覲况責以譏

正臧否為一代得失之林於虛豈易言哉余自壬午
秋典郡披閱志乘類多輯自乾嘉時閱百年其間兵
燹潦旱及一切政事因革卷帙多佚諏之故老亦語
焉勿詳蓋久深文獻無徵之懼矣承乏既久視事多
暇接士大夫之賢者屬以續成前志以存邦之舊聞
今年夏復手刊條例數十則下之於屬冀諸君子稽
參詳畧縣各成志而上之郡郡因邑志而綜其成顧
或限於僻壤徵採不易為力役興數月尚茫然莫得

端倪成者惟平利及白河兩屬平利古媧皇舊治也
搢紳多能言之地多山縣亘川楚民氣質厚雅有古
風楊君伯裕以名進士令斯土政和俗易懼邑志之
缺而遺文之就湮也毅然以續修自任適邑李宮贊
實齋讀禮家居爰為秉筆述中興之佚事紀鄉賢之
軌蹟條流燦然臧否成敗連綴定錄止資一手余旣
樂其成編之速又不詭於實錄之義喟然而歎曰昔
尼山述書而帝王之制備述詩而興廢之由顯述春

秋而邪正之跡明三者同出於史而不可雜者也區
區一邑述記似無關大典然今郡縣即古之諸侯也
晉乘楚檣杙皆以史名則今之志為勸懲於來世備
國史之按羅繫綦重矣顧漫然從事已哉編次軍興
以來節義最著邑之人倉卒徇義蹈白刃不顧者累
然不可勝計大節炳若日星蓋其忠義所激有自來
矣後之作者流連覽舊亦將勃焉以感言然而興乎

欽加鹽運使銜在任候補道興安府正堂曾鄉童兆蓉撰

平利縣志序

平邑志書自黃公寬脩訂後迄今百有四十餘年矣黃公脩志於乾隆初時邑民僅四百餘戶分居於深林密箐之間邑城在舊縣民之附郭而居者落落如晨星土地不闢田野不治其人率安於荒陋椎魯而無文故士之登賢書者乾隆中惟杜公一人其捷南宮登臚仕者概乎未有聞焉故舊志亦因其時與事載之而已

國家休養生息百數十年邑之戶口增至五十倍四境之內雞鳴犬吠相聞故道光之季科甲林立富而後教固

其宜也咸豐建元訓導史公增脩文廟著有心勸集於
平邑之掌故特詳而鄉賢忠義節孝尤備載之以維持
風化今之得有所考證者皆史公按輯紀載之力也同
治五年知縣謝公與史公建議脩志未久而兩公皆以
憂去其官士林惜之光緒甲午芳以憂歸邑侯楊公以
縣志闕如久益失攷人物之盛衰時事之遷革將至湮
沒無徵何以信今傳後乎是用彙輯成書而命芳與聞
乎筆削之事芳邑人也義不獲辭爰為纂脩而刪定之
至於文詞簡陋則所不暇計也後之君子有能博采旁

按以補其所未逮則尤有厚望焉

光緒二十二年歲次丙申


賜進士出身

國史館纂脩功臣館纂脩詹事府右春坊


右贊善邑人李聯芳謹序

天文圖

翼宿



軫宿



平利縣金境輿圖





